

HEREFORD-SHIRE.



Herefordiensis Comitatus, sive *Herefordshire*, Britannis *Ereinuc*, forma quasi circulari, ab Ortu Wigorniensibus, & Glocestrensisibus, à Meridie Monumethensibus, ab Occasu Radnor & Brechinia, à Septentrione Salopia definita, regio

est præter amœnitatem, aut pascendis pecoribus, aut alendis frugibus nusquam non mitissima, & ab omnibus ad vitam necessariis instructissima; adeo ut secunda fertilitatis laude inter Angliæ provincias acquiescere haud facile sit contenta. Ad quas etiam commoditates flumina accedunt eximia. *Vaga* sive *Wye*, *Lugus*, & *Munow*, quæ cum floridissima prata, & lætissima arva placide irrigaverint, demum confluunt & uno alveo Sabrinæ æstuarium adeunt.

Munow fl. *Munow* vero ex *Hatterell* montibus, qui satis confurgentes instar cathedræ ad Libonotum hunc agrum obvallant, descendens, primum in

Blestium. Austrum per eorum radices eluctatur ad BLESTIVM, oppidum ab Antonino eo situ & distantia locatum, ut non possit non esse illud, quod huic flumini appositum Britannis *Castle bean* id est, *Castrum vetus*, nobis *The old towne* vocitatur; viculus tenuis, sed cujus vetustati novum hoc nomen patrocinator, utraque enim in lingua oppidum sive castrum vetustum sonat. Proxime hoc

Alteryinis aquis, quasi insula amnica circumfunditur, quæ antiqua sedes veteris & Equestris familiæ *Sustorum*, sive *Ceciliorum*, unde honoratissimus mihi Patronus, omnibus virtutis, prudentiæ, & nobilitatis ornamentis instructissimus D. Guiliel. *Cecilius* Baro *Burghlaus*, & summus Angliæ Thesaurarius stemma duxit.

Ab hoc *Munow*, in Ortum conversus aliquandiu hanc regionem à Monumethensibus dirimit, & ad *Map-harald*, sive *Harold-Ewias*, castrum *Doro* flumine augetur. Hoc castrum de *Ewias* dictum, ut ex Regis Guilielmi Primi Commentariis loquar, *Aluredus de Marleberg* refirmavit. Postea *Haraldi* fuit viri nobilis qui in argenteo clypeo areolam rubram inter tres stellulas nigras interpositam gestavit, à quo *Harold Ewias*, dici coepit, sed *Sibylla* ejus proneptis, & altera hæres, conjugio ad Dominos *Tregoz* transtulit, à quibus demum ad Dominos de *Grandisono* è Burgundia natos devenit, de quibus alibi.

Dorus autem ille qui à Septentrione defluens per *Snothill* castrum, & Baroniam olim Roberti *Chandos*, ubi nobile marmor excidit, convallem mediam secat, quam à flumine *Diffin Dore* vocant Britanni, Angli vero, ut vim verbi exprimere viderentur, *The gilden vale*, id est, *Vallem auream*, sive auratam nominarunt, quo nomine ob auream, opulentam, & amœnam hubertatem neutiquam indigna censeatur. Colles enim quibus includitur utrinque sunt sylvis amicti, sylvis subsunt utrinque arva, arvis floridissima prata, & in medio fluvius limpidissimus interlabitur, cui monasterium elegans à Roberto Domino de *Ewias*

impositum, quod nobilium hujus agri quasi commune fuit sepulchrum.

Ab hac valle pars hujus agri quæ ad Ortum divergit nunc *Irchenfeld*, in Censuali Guil. primi libro *Archenfeld* dicitur, quam à Danis anno DCCXV ferro flammaque vastatam capto Camalaco Episcopo Britanno produnt nostri historici. In hac *Kilpec* castrum floruit, sedesque fuit nobilis familiæ *Kilpecorum*, quos primis Normannorum temporibus honorarios fuisse regum Angliæ milites perhibent nonnulli. Quibus etiam ego facile credam. Edwardo primo regnante hic habitavit Robertus *Wallerond*, cujus nepos Alanus *Pluget* Baronis dignitate claruit. In hac etiam *Archenfeld* (ut in libro Censuali legimus) quidam proventus uni & alteri Presbytero, veteri instituto assignati erant, ea lege, ut pro Angliæ Regibus Legationes in Wallia obirent, atque ut ex eodem libro loquar, *Viri de Archenfeld, cum exercitus in hostem pergit, per consuetudinem faciunt Avantward, & in reversione Rereward.*

Vt *Munow* inferiorem hujus agri partem perstringit, sic mediam *Vaga* sive *Wy* cursu admodum arcuato interfecat, ad quem in ipso limite Occiduo *Clivus fortis*, vulgo *Clifford* castrum addidet, quod Guilielmus *Fitz-Osborne* Herefordiæ Comes in *VVasta sua* (ex Guilielmi Normanni Censuali libro loquor) *adificavit, sed Radulphus de Tornaio tenuit.* Postea ad Walterum filium Richardi *Puntii* Normanni devenisse existimatur, ille enim de *Cliffordia* cognominatus erat, & ad eum illustissima *Cliffordorum* Cumbriæ Comitum familia ortum suum vere retulit. Edwardi vero Primi temporibus I. *Giffard* tenuit, qui Walteri *Cliffordi* duxit hæredem. Inde *Vaga* tortuosus volvitur per *VWhitney*, quæ suo nomine familiam claram insignivit, & *Bradwardin* castrum, unde ortum & nomen Thomas ille *Bradwardinus* Archiepiscopus Cantuariensis habuit, qui ob multiplicem & abstrusam eruditionem eo ævo *Doctor profundus* appellatus: demumque Herefordiam hujus Comitatus caput accedit.

Quousque pertigerit illa regiuncula *Archenfeld* nescio, verum affinitas inter hæc nomina *Ereinuc*, *Archenfeld*, ARICONIVM oppidum, cujus hoc tractu meminit Antoninus, & *Hareford* sive *Hereford*, quæ nunc urbs est Comitatus prima, in eam me sententiam paulatim perduxerunt, ut existimem hæc singula ab ARICONIO deducta. Nec tamen unum idemque Ariconium, & Herefordiam existimo, sed uti *Basilea* Germaniæ, Augustæ Rauracorum, & *Baldach* Assyriæ, Babyloniam nomen sibi vindicavit, quod hæc ex Babyloniam, illa ex Augustæ rudibus originem duxit: sic *Hariford* nostra (ita enim vulgus appellat) & nomen, & ortum à vicino ARICONIO, ut mea fert opinio, reperit, quæ nullam hodie integram oppidi faciem habet, terræ motu, ut ferunt, conquassata. Nominis tantum umbram retinet, *Kenchester* nuncupata, & mœnium minas aliquas ostendit, quas *Kenchester walles* dicunt, ad quæ lapides tessellati, lateres Britannici, Romanorum numi-

Harald Ewias. Familia de Ewias. Insignia eorum.

Tregoz, & Grandison.

Snothill. Marmor.

Gilden vale. Vallis aurea.

Irchenfeld.

Kilpec.

Vaga fl. Wye. Clifford castle.

Cliffordi.

Inq. 26. Ed. 1.

Doctor Profundus.

Hereford.

Kenchester.